



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-1210-15.1/23
Sarajevo, 25.12.2023. godine

Na osnovu čl. 69. stav (2) tačka d) i 70. st. (1), (4) i (6) Zakona o javnim nabavkama ("Službeni glasnik BiH" broj: 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), na Preporuku Komisije za nabavku, broj: 06-11-1210-12/23 od 19.12.2023. godine, u postupku javne nabavke roba: „Vatrogasna oprema“ za LOT 2. – Vatrogasni izolacioni aparati i boce za komprimirani zrak, direktor Kantonalne uprave civilne zaštite Kantona Sarajevo *d o n o s i*

ODLUKU
o poništenju postupka javne nabavke

Član 1.

Poništava se postupak javne nabavke roba: „Vatrogasna oprema“ za LOT 2. – Vatrogasni izolacioni aparati i boce za komprimirani zrak, u skladu sa članom 69. stav 2. tačka d) Zakona o javnim nabavkama ("Službeni glasnik BiH" broj: 39/14 i 59/22), obzirom da dostavljena ponuda nije prihvatljiva.

Član 2.

Za realizaciju ove odluke zadužuje se i ovlašćuje Komisija za javnu nabavku roba „Vatrogasna oprema“ i Sektor za materijalno-finansijske poslove Kantonalne uprave civilne zaštite Kantona Sarajevo.

Član 3.

Ova odluka će se objaviti, u skladu sa članom 70. stav (6) Zakona o javnim nabavkama, na web stranici Kantonalne uprave civilne zaštite Kantona Sarajevo (www.kucz.ks.gov.ba) i istovremeno će se uputiti ponuđaču koji je učestvovao u ovom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 06-11-1210/23 od 22.09.2023. godine.

Predmetni postupak nabavke je proveden putem otvorenog postupka javne nabavke.

Procijenjena vrijednost javne nabavke roba: „Vatrogasna oprema“ za LOT 2. – Vatrogasni izolacioni aparati i boce za komprimirani zrak je procijenjena do 43.700,00 KM (bez uključenog PDV-a).

Komisija za nabavku je imenovana Odlukom, broj: 06-11-1210-1/23 od 22.09.2023. godine.

Obavještenje o nabavci, broj: 282-1-1-112-3-50/23, objavljeno je dana 18.10.2023. godine na Portalu javnih nabavki, kao i tenderska dokumentacija. Ispravka Obavještenja o nabavci, broj: 282-1-1-112-8-58/23 objavljena je dana 11.12.2023. godine na Portalu javnih nabavki, kao i izmjene i dopuna tenderske dokumentacije.

U roku utvrđenom za prijem ponuda zaprimljena je jedna ponuda za LOT 2. – Vatrogasni izolacioni aparati i boce za komprimirani zrak, a nije bilo ponuda zaprimljenih nakon isteka roka za prijem ponuda.

Na sjednici Komisije za nabavku održanoj dana 19.12.2023. godine, Komisija je izvršila pregled i ocjenu dostavljene ponude ponuđača TEVE VARNOST ELEKTRONIKA d.o.o. Visoko, gdje je utvrdila da je dostavljena ponuda nepravilna, odnosno da nije u skladu sa tenderskom dokumentacijom, o čemu je sačinjen Zapisnik o pregledu i ocjeni ponuda, broj: 06-11-1210-11.1/23 od 19.12.2023. godine.

Naime, Komisija je utvrdila da ponuda ponuđača TEVE VARNOST ELEKTRONIKA d.o.o. Visoko, ne ispunjava sve zahtjeve u pogledu opisa predmeta nabavke i tehničkih specifikacija i kao takva je nepravilna.

Vežano za potvrde o uredno izvršenim ugovorima (najmanje jedan ili više ugovora, koji se odnose na isporuku lične, skupne i zaštitne vatrogasne opreme, ukupne vrijednosti izvršenog/ih ugovora u visini najmanje 43.000,00 KM bez PDV-a, u posljednje 3 (tri) godine ili od datuma registracije), ponuđač TEVE VARNOST ELEKTRONIKA d.o.o. je dostavio Potvrdu, broj: 12-1419BB-026/23 od 16.10.2023. godine, izdatu od strane Vlade Brčko Distrikt BiH, Odjeljenje za javnu bezbjednost, u kojoj nije navedeno mjesto izvršenja ugovora. Nadalje, Potvrda o uredno izvršenom ugovoru, izdata od strane Grada Bihaća – Gradonačelnika, broj: 02/3-11-5767/22 od 28.10.2022. godine, ne sadrži sjedište jedne od ugovornih strana, odnosno ne sadrži sjedište Grada Bihaća – Gradonačelnika. Navedena Potvrda ne sadrži ni jasno napisano vrijeme izvršenje ugovora, ali kako je u Potvrdi naveden podatak broj i datum ugovora: 02/3-11-1454/22 od 21.06.2022. godine i period realizacije ugovora: 90 dana od dana potpisivanja ugovora, Komisija zaključuje da se može utvrditi vrijeme izvršenja ugovora. Također, Potvrda o uredno izvršenom ugovoru, izdata od strane Grada Bihaća – Gradonačelnika, broj: 02/3-11-sl/22 od 28.04.2022. godine ne sadrži sjedište jedne od ugovornih strana, odnosno ne sadrži sjedište Grada Bihaća – Gradonačelnika. Naime, članom 48. stav (3) Zakona o javnim nabavkama BiH nabavkama ("Službeni glasnik Bosne i Hercegovine", broj 39/14 i 59/22), kao i tačkom 3.3. podtačka a) TD je propisano da potvrda o uredno izvršenim ugovorima mora sadržavati sljedeće podatke: a) naziv i sjedište ugovornih strana ili privrednih subjekata; b) predmet ugovora; c) vrijednost ugovora; d) vrijeme i mjesto izvršenja ugovora i e) navode o uredno izvršenim ugovorima. S tim u vezi, Komisija je utvrdila da je ponuđač dostavio na način propisan tačkom 3.3. podtačka a) TD samo dvije Potvrde, broj: 897-1/2023 od 31.05.2023. godine i broj: 1622-1/21 od 16.12.2021. godine, izdate od strane „PASTOR M“ d.o.o. Mostar, gdje zbrajanjem vrijednosti ugovora (21.030,80 KM bez PDV-a i 13.335,60 KM bez PDV-a) ukupna vrijednost ugovora iznosi 34.366,40 KM bez PDV-a, čime ponuđač nije ispunio traženu vrijednost izvršenih ugovora u visini najmanje 43.000,00 bez PDV-a, odnosno nije ispunio traženi uslov iz TD.

Nadalje, Komisija je pregledom dostavljenih certifikata traženih tačkom 3.3. podtačka d) TD navedenih u Aneksu VII TD utvrdila da je ponuđač na stranicama 167.-176. ponude dostavio

certifikat koji nije preveden, na kojem je naveden standard EN 136:1998. Uvidom u popis dokumentacije na strani 26. ponude utvrđeno je da je na tim stranicama ponuđač naveo da se nalazi „certifikat o usklađenosti za masku FPS 7000 – ovjerena kopija“. Međutim, uvidom u navedeni certifikat utvrđeno je da se ne radi o ovjerenom kopiji. Na ovakav način ponuđač nije ispunio zahtjev tražen tačkom 4.6. TD, odnosno nije preveo dostavljeni certifikat na jedan od službenih jezika koji su u upotrebi u BiH. Shodno svemu navedenom, ponuđač nije dokazao da maska dišnog aparata sa plućnim automatom ispunjava standard BAS EN 136:2002 (identičan EN 136:1998) ili ekvivalent, jer nije dostavio certifikat na način kako je traženo TD.

Kako ponuđač nije u kataloškoj dokumentaciji označio na jasan i nedvosmislen način da ponuđena roba ispunjava sve zahtjevine tehničke karakteristike za vatrogasnu opremu – LOT 2: Vatrogasni izolacioni aparati i boce za komprimirani zrak, koje su navedene u tehničkim specifikacijama u Aneksu VII ove TD, Komisija nije mogla utvrditi da ponuđena roba ispunjava sve zahtjevine tehničke karakteristike navedene u Aneksu VII za LOT 2.

Primjera radi, iz dostavljenog kataloga nije se mogao utvrditi temperaturni raspon rada uređaja tražen tačkom 1. opšti zahtjevi iz Aneksa VII TD. Naime, traženi temperaturni raspon rada uređaja je od minimalno od -30°C do $+60^{\circ}\text{C}$. Uvidom u Potvrdu na stranici 193. ponude, koja nije kataloška dokumentacija, Komisija je utvrdila da je naveden temperaturni raspon rada uređaja $-40/+60^{\circ}\text{C}$.

Zbog navedenog, Komisija je pristupila provjeri dostavljenog uzorka kako bi utvrdila da li isti odgovara minimalnom opisu iz tehničke specifikacije i to da li dostavljeni uzorak odgovara opisu predmeta nabavke, koji je zahtjevan i naveden u tehničkoj specifikaciji (Aneks VII) i prostim poređenjem izvršila ocjenu svih parametara u smislu da li uzorci odgovaraju karakteristikama-opisu zahtjevanih stavki. S tim u vezi, ugovorni organ je zahtijevao u tački 2. Aneksa VII TD, između ostalog, da leđni nosač dišnog aparata mora imati opciju ugradnje dodatnog crijeva za spašavanje ugroženih osoba preko pojasa koji služi kao dodatni izlaz za zrak za dodatnu masku za čitavo lice ili prilikom korištenja kapuljače za spašavanje ugroženih osoba, gdje je utvrdila da dostavljeni uzorak leđnog nosača dišnog aparata ne posjeduje opciju ugradnje dodatnog crijeva, čime dostavljeni uzorak ne odgovara opisu predmeta nabavke koji je zahtjevan u Aneksu VII TD, čime i ovaj zahtjev iz TD ponuđač nije ispunio. Nadalje, uvidom u dostavljeni uzorak, na istom je uočeno da se nalazi naljepnica CE sa oznakom standarda EN 12245:2009 +A1:2011, što ne odgovara traženom standardu navedenom u Aneksu VII tenderske dokumentacije, gdje je kod rednog broja 4. boce za zrak traženo da ista bude u skladu sa normom BAS EN 12245:2023 (identičan EN 12245:2022) (ili ekvivalent). Istraživanjem na pretraživaču, Komisija je utvrdila da je u katalogu Instituta za standardizaciju standard EN 12245:2009 +A1:2011 povučen i zamijenjen sa standardom EN 12245:2022. Shodno navedenom, dostavljeni uzorak ne odgovara tehničkoj specifikaciji koja je tražena u tenderskoj dokumentaciji.

S tim u vezi, Komisija za nabavku dostavila je direktoru Kantonalne uprave civilne zaštite dana 25.12.2023. godine Preporuku o poništenju postupka, broj: 06-11-1210-12.1/23 od 19.12.2023. godine i Izvještaj o provedenom postupku javne nabavke, broj: 06-11-1210-13.1/23 od 19.12.2023. godine.

Na osnovu dostavljenog Izvještaja o provedenom postupku javne nabavke roba: „Vatrogasna oprema“ za LOT 2. – Vatrogasni izolacioni aparati i boce za komprimirani zrak, utvrđeno je da u predmetnom postupku javne nabavke roba dostavljena ponuda ponuđača TEVE

VARNOST ELEKTRONIKA d.o.o. Visoko nije prihvatljiva, čime su se stekli uslovi za poništenje postupka javne nabavke.

Direktor Kantonalne uprave civilne zaštite Kantona Sarajevo nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je Preporuka o poništenju postupka javne nabavke data u skladu sa odredbama Zakona o javnim nabavkama, podzakonskim i općim aktima.

Shodno navedenom, primjenom člana 69. stav (2) tačka d), člana 70. stav (1), (4) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. Zakona o javnim nabavkama. Ugovorni organ će postupati po žalbi na način propisan odredbama člana 100. Zakona o javnim nabavkama.

Dostaviti:

1. Sektoru za materijalno-finansijske poslove KUCZ KS,
2. TEVE VARNOŠT ELEKTRONIKA d.o.o. Visoko,
3. www.kucz.ks.gov.ba,
4. a/a.

